

दे॒वम॑वर्द्धतां । बृ॒हत्या॑ छन्द॑सेन्द्रि॒यं । आ॒च॒मि॒न्द्रे॒ वयो॑द॒धत् । व॒सु॒वने॑ वसु॒धेय॑स्य वी॒तां यज॑ ॥ २ ॥

दे॒वी ऊ॒र्जा॒हुती॑ दे॒वमि॒न्द्रं वयो॑धसं । दे॒वी दे॒वम॑व॒र्द्धतां॑ । प॒ङ्क्त्या॑ छन्द॑सेन्द्रि॒यं । शु॒क्रमि॒न्द्रे॒ वयो॑द॒धत् । व॒सु॒वने॑ वसु॒धेय॑स्य वी॒तां यज॑ । दे॒वा दै॒व्या हो॑तारा दे॒वमि॒न्द्रं वयो॑धसं । दे॒वा दे॒वम॑वर्द्धतां । चि॒ष्टुभा॑ छन्द॑सेन्द्रि॒यं । त्वि॒षिमि॒न्द्रे॒ वयो॑द॒धत् । व॒सु॒वने॑ वसु॒धेय॑स्य वी॒तां यज॑ ॥ ३ ॥

दे॒वीस्ति॒स्रस्ति॒स्रो दे॒वीर्वयो॑धसं । प॒तिमि॒न्द्रम॑वर्द्ध॒यन् । ज॒गत्या॑ छन्द॑सेन्द्रि॒यं । ब॒लमि॒न्द्रे॒ वयो॑द॒धत् । व॒सु॒वने॑ वसु॒धेय॑स्य वि॒यन्तु॑ यज॑ । दे॒वो न॒रा॒णः सो दे॒वमि॒न्द्रं वयो॑धसं । दे॒वो दे॒वम॑वर्द्धयत् । वि॒राजा॑ छन्द॑सेन्द्रि॒यं । रे॒त॒इ॒न्द्रे॒ वयो॑द॒धत् । व॒सु॒वने॑ वसु॒धेय॑स्य वे॒तु यज॑ ॥ ४ ॥

दे॒वो व॒न॒स्पति॑र्दे॒वमि॒न्द्रं वयो॑धसं । दे॒वो दे॒वम॑वर्द्ध॒यत् । द्वि॒पदा॑ छन्द॑सेन्द्रि॒यं । भ॒गमि॒न्द्रे॒ वयो॑द॒धत् । व॒सु॒वने॑ वसु॒धेय॑स्य वे॒तु यज॑ । दे॒वं ब॒र्हिर्वारि॑तीनां दे॒वमि॒न्द्रं वयो॑धसं । दे॒वं दे॒वम॑वर्द्धयत् । क॒कु॒भा॑ छन्द॑सेन्द्रि॒यं । य॒श॒इ॒न्द्रे॒ वयो॑द॒धत् । व॒सु॒वने॑ वसु॒धेय॑स्य वे॒तु यज॑ ॥